



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

22. Temperantia.

Nutzungsbedingungen

urn:nbn:de:hbz:466:1-55242

tibus, & fac me bonis pollere moribus; fac me
in sanctis operibus tuis, propter nomen sanctum
tuum, perseverare usque in finem, secundum
voluntatem tuam. S. Aug. med. c. 12.

III. Vbi est fides tua? Sta firmiter & per-
severanter. Esto longanimis & vir fortis,
& veniet tibi consolatio in tempore. Thom.
Kemp. L. 3. c. 31.

NB. Huc pertinet Virtus constantiae,
quæ in eo differt à perseverantia, quod dif-
ficultates aliunde, quam à diuturnitate pro-
venientes, superet.

P A S S U S XXII.

Temperantia.

TEXTUS.

*Omnia disposerit in mensura,
numero & pondere. Sap. c. II.*

Cognitio.

TEmperantia est virtus moralis, cujus
præsidio, passiones appetitus concipi-
scibilis frœnamus, & reprimimus, quæ
circa delectabilia sensuum, præcipue gustus
& tactus versantur. Ad quorum duorum
G 2 sen-

sensuum functiones, aliorum sensuum actus
ordinantur, *i. Alvarez.*

Actus:

1. In rebus ad corporis voluptates pertinentibus, omnem honestatem, & morum decorum amplecti.
2. Omnem turpitudinem per honestam verecundiam timere: & de his, quæ mentis munditiae repugnant, erubescere.
3. In voluptatibus corporis assumendis, pro mensura non aliud, quam necessitatem habere.

Consideratio.

Quem ad temperantiae amorem non inflammant insignes & multiplices ejus fructus & effectus, quos S. Prosper luculento præconio complexus est, dum ait: I. Temperantia temperantem facit, abstinentem, parcum, sobrium, moderatum, pudicum, tacitum, serium, verecundum. II. Hæc virtus, si in animo habitat, passiones frenat, effectus temperat, desideria sancta multiplicat, vitiosa castigat, omnia intra nos confusa ordinat, & ordinata corroborat. III. Hæc virtus cogitationes pravas removet, inserit sanctas, ignem libidinosæ voluptatis extinguit, animi regorem desiderio futuræ

re-

remunerationis accedit, mentem tacitam
tranquillitate componit, & totam semper
ab omni vitiorum tempestate defendit.
Ita ille. O si hæc virtus me ornaret, frœ-
naret, componeret & defenderet!

Petitio.

Concede quæsumus, omnipotens Deus,
nobis temperantiae perfectæ virtutem, ne
concupiscentia dominetur in nobis, & ne
regnet peccatum in nostro mortali corpore;
sed semper honestè ambulemus, non in
comissionibus & impudicitiis, & indua-
mus Dominum nostrum JESUM CHRISTUM,
cui sit honor & gloria in sæcula.

Aspirationes.

I. Obsecro vos, tanquam advenas & pere-
grinos, abstinere à carnalibus desideriis. 1.
Petri 2. 11.

II. Iussisti Domine, & sic est, ut pœna sua
sibi sit, omnis inordinatus animus. S. Aug.
L. i. Conf. c. 12.

III. Domine, orna me virtute tempe-
rantiæ, quâ sensus cohibeam, & facultates
animæ.

